



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Confirmatio Ordinis & foundationis nostri Monasterij S. Zenonis cum aliis
priuilegiis per Alexandrum PP. III.

urn:nbn:de:hbz:466:1-13591

gnitate careat, reamq; se diuino iudicio existere de perpetrata iniquitate cognoscat, & à sacratissimo corpore ac sanguine Dei & Domini redemptoris nostri Iesu Christi aliena fiat, atq; in extremo examine districtæ ultioni subiaceat. Cunctis autem eidem loco sua iura seruantibus, sit pax Domini nostri IESU CHRISTI, quatenus & fructum bonæ actionis hic percipiant, & apud districtum iudicem præmia æternæ pacis inueniant, Amen. Dat. Later. per manum Rolandi S. Romanæ Ecclesiæ presbyt. Card. & Cancell. XIII. Calendas Martij. Indictione V. Incarnationis Dominicæ anno M. C. LVI. Pontificatus verò Domini Adriani Papæ IV. anno tertio.

Confirmatio Ordinis & foundationis nostri Monasterij

S. Zenonis cum aliis priuilegiis per Alexandrum PP. III.

Alexander Episcopus seruus seruorum Dei, dilectis filiis Alabydo Præposito Ecclesiæ Hallensis, eiusq; fratribus tam præsentibus quàm futuris regularem vitam professis, in perpetuum. Quoniam sine verè culture religionis nec charitatis vnitas potest subsistere, nec Deo gratum exhiberi seruitium, expediat apostolicæ authoritatè religiofas personas diligere, & eorum quieti & tranquillitati auxiliante Domino salubriter prouidere. Eapropter dilecti in Domino filij vestris iustis postulationibus clementer annuimus, & ad exemplar prædecessorum nostrorum sanctæ recordationis Eugenij & Adriani Romanorum Pontificum, præfatam Ecclesiam, in qua diuino mancipati estis obsequio, sub B. Petri & nostra protectione suscipimus, & præsentis scripti priuilegio cõmunimus. In primis siquidem statuentes, vt ordo Canonicus q; secundum Deum & B. Augustini regulam in eodè loco noscitur institutus, perpetuis ibidem temporibus inuolabiliter obseruetur. Præterea quascunq; possessiones, quæcunq; bona, tam ex dono Conradij quondam Archiepiscopi Salisburgen. fundatoris loci vestri, quàm aliorum Dei fidelium in præsentiarum iuste & canonicè possidet, aut in futurum concessione Pontificum, largitione Principum, oblatione fidelium, seu aliis iustis modis præstante Domino poterit adipisci, firma vobis vestrisq; successoribus & illibata permancant. In quibus hæc propriis duximus exprimenda vocabulis. Curtem sitam ante portam Ecclesiæ prænominatæ cum omnibus pertinentiis suis, & prædium quod dicitur *Souante* ex dono ipsius Archiepiscopi. Quicquid iuris habetis in decima Salis qui coquitur de fonte *Halla*. Ex dono *Heinrici* filij *Erichonis* & fratris eius prædium quod dicitur *Nutzpoum* cum omnibus pertinentiis suis. Ex dono *Ebonis*, *Iacconis*, *Babonis*, aquas quas in eodem fonte ad *Salcoquendo* n. l. habetis aquas quas habetis in ipso fonte *an dem Werchpret*. Curtem cum vineis in *Austria*, prædium quod dicitur *Ubingen* cum appendiciis suis. Prædium situm in loco qui dicitur *Oecheim*, cum omnibus appendiciis suis. Ex dono *Sigboronis* prædium quod dicitur *Vachen*. Statuimus vt in ecclesiis vestris in quibus fratres vitam canonicam professi fuerint, nulli omnino post factam canonicam professionem exinde liceat sine cõmunis congregationis permissione discedere, discedentem verò nullis audeat retinere nisi ad maiorem Religionem eum constiterit ascendisse. Sanè ipsa plebs *Hallensis*, sicut à iam dicto *Conrado* Archiepiscopo canonicè statutum est, à nullo successorum suorum vobis auferatur, sed in dispositione Præpositi vestri permaneat. Ad hæc adiectis tres statum, vt capellæ q; infra terminos parochialis Ecclesiæ *Hallen.* fundatæ sunt, sicut ab ipso rationabiliter prouisum est, eidem matri Ecclesiæ subiaceant. Nouas autè absq; assensu *Diocæs.* Episcopi & vestro in ipsa parochia capellæ edificari prohibem.

Præ-

Præterea exemptiones personæ tuæ, & Ecclesiæ tibi commissæ, à *Salzburgensis* Archidiaconi subiectione, sicut à præfato Archiepiscopo statutum est, & priuilegiis antecessorum nostrorum Romanorum Pontificum roboratum tibi & per te Ecclesiæ tuæ auctoritate sedis apostolicæ cõfirmamus. Obeunte verò te nunc eiusdem loci Præposito, vel tuorum quolibet successorum, nullus ibi qualibet surreptionis astutia seu violentia præponatur, nisi quem fratres communi consensu vel fratrum pars consilij sanioris, secundum Dei timorem & *B. Augustini* regulam prouiderinteligendum. Decernimus ergò vt nulli omninò hominum liceat præfatum Ecclesiam temerè perturbare, aut eius possessiones auferre, vel ablatas retinere, minuere, seu quibuslibet vexationibus fatigare, sed illibata omnia & integra conseruentur eorum pro quorum gubernatione & sustentatione concessa sunt vñsibus omnimodis profutura, salua sedis apostolicæ auctoritate & Diocæsani Episcopi canonica iustitia. Si quis igitur in futurum Ecclesiastica secularisue persona hanc nostræ constitutionis paginam sciens contra eam temerè venire tentauerit secundo tertioque cõmonita nisi p̄sumptionem suam digna satisfactione correxerit, potestatis honorisq; sui dignitate careat, reamq; se diuino iudicio existere de perpetrata iniquitate cognoscat, & à sacratissimo corpore ac sanguine Dei & Domini redemptoris nostri Iesu Christi aliena fiat, atq; in extremo examine districtæ ultioni subiaceat. Cunctis autem eidem loco sua iura seruauimus, sic pax Domini nostri Iesu Christi, quatenus & hic fructum bonæ actionis percipiant, & apud districtam iudicem præmia æteritæ pacis inueniant, Amen.

Datum *Beneuent*, per manum *Gerhardi* sanctæ Romanæ Ecclesiæ Notarij, Calendas Julij, incarnatione 2. incarnationis Domini anno M. C. L. X. I. X. Pontificatus verò Domini *Alexandri* Papæ III. anno decimo.

Pro aqua in fonte ad Monasterium dono data.

In nomine patris & filij, & spiritus sancti. *Henricus* Dei gratia Dux *Bauariæ* atq; *Saxoniæ* &c. Notum sit omnibus tam præsentibus quam futuræ ætatis fidelibus, qualiter nos ob amorem diuinæ pietatis fratribus Ecclesiæ *S. Zenonis*, Deo & sanctis ibi patrocinantibus, eidemque iugiter famulantibus, aquam vnam in salina *Halla* de assere vñd haurienda, absque omni angaratione & promulgatione sententiæ quam nos in eandem aquam habuimus, in tranquillitate & absque alicuius opponente contrarietate possidendum, permisimus. Si verò in huius aquæ traditione voluntas nostra varietate dispensatione, temporis & consilij immutata fuerit, centum talenta præfatis fratribus reddemus, & nos in supradictam aquam sententiæ sicut iustitia dictauerit, in iudicio nostro in eandem aquam dandam non negabimus. Vt verò huius pagine ordo in supradicto conditionis pacto ratus & incommutabilis permaneat, testimonialis nostri impressio sigilli eum corroborati. Qui autem huius dispensationis ordini intererant, eorum nomina sunt hæc. Comes *Pertoldus* de *Andechs*, *Otto* maior Palatinus de *Wiltinespach*, *Heinricus* de *Stoupe*, *Eberhardus* de *Fribindorf*. Data *Ratisponæ*, Anno Domini incarnationis M. C. L. X. X. I. gloriosissimi autem *Henrici* Ducis *Bauariæ* & *Saxoniæ* Anno peregrinationis primo. *Baldouinus* Notarius Domini Ducis assignauit.

Collat.